

Gemeinde
Ralbitz-Rosenthal



Gmejnska nowina Ralbicy - Róžant



36. lětnik / 9.wudaće
Hamtske łopjeno
nalětnik 2025
05.03.2025

www.ralbitz-rosenthal.de
gemeinde@ralbitz-rosenthal.de



Foto: Michał Matješk

**Wóndano běchu spěwarjo a spěwarki wosadneho chóra Lilija
w chórowym lěhwje w Hejnice w Čěskej, zo bychu nowe
twórby nazwučowali.**



Wobzamknjenje gmejskeje rady gmejny Ralbicy-Róžant

Na posedženju gmejskeje rady dnja 13.02.2025 je so scěhowace wobzamknjenje schwalilo:

Wobzamknjenje čo. 04-02/2025

Přiwzaće abo posředkowanje pjenježnych a wěcnych darow, darow a podobnych finacielnych podpěrow w hódnoće pod 1.000 €

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada možny.

Hubertus Ryčer, wjesnjanosta



Wobzamknjenje techniskeho wuběrka gmejny Ralbicy-Róžant

Na posedženju techniskeho wuběrka dnja 13.02.2025 je so scěhowace wobzamknjenje schwalilo:

1. Stejišćo k přitworej na bydleniski dom a změna wužiwanja pódlanskeho twarjenja na ležownosćomaj 144/3 a 143/3 w Ralbicach

Přichodne posedženje gmejskeje rady gmejny Ralbicy-Róžant wotměje so štwórtk, dnja 20.03.2025 we 18.30 hodž. na gmejnskim zarjedze w Róžeńće. Dnjowy porjad so přez městne wuwěški wozjewi.

Rěčne hodžiny gmejskeho zarjada w Róžeńće: wutoru a štwórtk: 14.00–18.00 hodž.	<u>Nuzowe čisła</u>
Rěčne hodžiny wjesnjanosty: štwórtk: 15.00–18.00 hodž. po dorěčenju	milina Sachsen Netz GmbH 0351/50178881
	woda Ewag Kamenz 03578/377377
	płun EVSE Wittichenau 035725/7410
	wopłóčki WAZV Lausitz 03578/377377
	policija 110
	nuzowy lékař / wohnjowa wobora 112
	Zarjad. zwjazk »Při Klósćerskej wodze« 035796/9460
IMPRESUM – Gmejska nowina gmejny Ralbicy-Róžant zamołowity: wjesnjanosta Hubertus Ryčer Gmejnski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah swoiich stronow same zamołowite.	Redakciski kónc za wudaće jutrownika 2025: 14.03.2025 Prošu zapodajće wšitke přinoški za nowinu z mejlku na: gmejska.nowina@gmx.de Online-wudaće gmejskeje nowiny pod: www.ralbitz-rosenthal.de

**Gratulujemy všitkim rentnarkam a
rentnarjam našeje gmejny k narodninam a přejemy krutu
strowotu a Bože žohnowanje!**



12. měrca

Hańža Röttigowa

Ralbicy

85. narodniny

13. měrca

Wolfgang Jahny

Smjerdźaca

70. narodniny

**Tež všitkim njemjenowanym narodninarkam a narodninarjam přejemy
wjele zboža, strowotu a wosobinske derjeměće.**

Transport a minibager na předań



Gmejna Ralbicy-Róžant poskičuje trjebany minibager (Case, 1,3 t, z lěta 1991, 4084 džělowych hodžinow) z přidatnymi nastrojemi (2 łopaći: 80 cm a 20 cm) a trjebany transporter (VW T 4, z lěta 1987, 300.000 km). Pod telefonowym čisłom 035796 / 96832 móžeće sej termin za wobhladanje wučinić. Zajimcy njech wotedadźa swój poskitk za jězdźidle w zawrjenej listowej wobalce z napisom „transporter“ abo „minibager“ hač do kónca měrca 2025 na gmejnskim zarjedže.





Serbskă zakładna šula Ralbicy

Delanski ZWónčk



Nalětnik 2025 / číslo 98

Sorbische Grundschule Ralbitz

Helaw, alaaf... Zahajichmy 5. počas

Hižo tójšto dnjow do toho zaběrachu so šulerjo z přihotami na póstničku. Nic jenož kostimy sej mjez sobu wobrěčachu, ale lětsa so tež přeća za spěwy za disko hromadžachu. Přetož wopyta džěći k přenjemu razej serbski kapačnik w zakładnej šuli w 5. počasu: Knjez Wjesela ze Šunowa bě džěćom a wučerjam hižo jako wěcywustojny a swěrný technicar šulskich swjedženjow znaty. Wón wědžeše tuž wušiknje džěći zahorić a do reje wabić. Samo wšitke hudźbne přeća šulerjow zamó spjelnić. Tež za plackami kostimowane džěći honjachu a so wubědźowachu.

B. Klugowa



Tójšto cheerleaderkow bě mjez norami - dorost je zaručeny:



Spěwny duel mjez holcami a hólcami ze spěwom: „Holcy přećiwo hólcam“ (Mädchen gegen Jungs)



Naš nowy DJ:



Rjana wučerka:



Šikwane kubłarki:



Wšitcy so po swjedženju wjeseli a ze swojimi wuswědčenjami pod pažu do zymskich prózdniw podachu.





Spominanje

Wćipni a poćni woćakowanjow nóżkowachmy na pućowanskich dnjach do Konječan pćotarnje „Regina“.

Kaž roj pćotkow wobkružichmy knjeza Šoftu, našeho znateho Delanskeho pćotarja a wón, luby serbski wuj, wědžeše nas skludzić a zapřasć do wědomosće a žiwjenja pćotki.

Słuchachmy, hladachmy a srěbachmy...

Wón powědaše tak zajimawje a putace, zo běchmy kaž zakuzłani. Wón kćějatyh štomow a kwětkow jeho zahrody, słódke mjedowe chłóšćenki a jeho wosobina wostanu nam na přeco w duši a we wutrobje.

W dżakownym spominanju
Delanske serbske dźěci a wučerki
Serbskeje zakładneje šule Rabicy



Ptaći kwas 2025



Kóžde lěto wjesela so naši šulerjo na tradicionelny ptaćokwasny program. Pjatk, 31. januara podachu so šulerjo ze swojimi wučerkami w třoch busach do Chrósćic. Pod motom: Tajny pakćik prezentowaše nam Serbski ludowy ansambl z Budyšina rjany ptaćokwasny program. Wulka chwalba a dżak na wumětcow z Budyšina.



Terminy

17.02.-28.02.25

03.-17.03.25

10. a 11.03.25

10.04.25

28.-30.04.25

zymske prózdniny

steji kontejner za staru papjeru na šulskim parkowanišću
wučerske rěčne hodźiny za 1. do 3. lětnik

17 hodź. staršiska zhromadźizna za wšitkich staršich

1.-4. lětnika „Přiměrjeny wobchad z konfliktami“

cirkusowy projekt za lětniki 1-4

Přejemy wšitkim dźěćom a staršim wočerstwujace prózdniny!

Wumolowanka



ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Nalětnik 2025
30. lětnik, 291. wudaće

Ze swojim skutkowanjom zwostanje njezapomnity - pčotar knjez Jan Šoŭta

Powěšć wo smjerći knjeza Jana Šoŭty z Konjec je nas zrudziła. Knjez Šoŭta je wjele lěŭ na Serbskej wyšej šuli Ralbicy cyłodnjowski poskitk pčotarjenje nawjedowaŭ. Z čětom a dušu je mnohim šulerjam swoju wědu sprosředkowaŭ a tak w młodej generaciji zamoŭwitosć za naslědny wobchad z přirodu šěriŭ. Prawidłownje so za nowymi wučbnymi materialijemi rozhladujo je zajimcow wosebiteho cyłodnjowskeho poskitka našeje wyšeje šule swědomiče we wobchadze z pčotkami a jich zadžerženju wukubŭŭaŭ. Kóždy pjatk wobkedźbowachu šulerjo pčotki a dźiwachu na to, zo nahromadźichu tute dosć kćenjoweho próška. Woni ličachu tež roztoče (Milben), zo njebychu pčotki schorjeli. Husto drapachu měd z pŭstow a kontrolowachu wotstawk mjez nimi, zo bychu pčotki tute přeńć móhli. Woptaće přenjeho samočinjeného mjedu běše stajnje wulki wjeršk za našich młodych pčotarjow. Jich wukubŭtanje traješe wjacore lěta. Na kóncu wukubŭtanja zložichu šulerjo pruwowanja. Tym, kotřiž to wuspěšnje zmištruwachu, dari knjez Šoŭta samo lud pčotkow a steješe jim a swójbny m dale poradźujo a podpěrajo poboku. W kóždym šulskim lěće mějachmy w našim lětnym planje ekskursije do pčóŭnicy w předmjeće biologija kruće zakótwjene. Pěši podachu so naši wuknjacy



ke knjezej Šoŭće do Konjec, hdžež wón rady swoje nazhonjenja a swoju wědu w přijomnej rozmoŭnje dźěleše. Při wšěm dźiwaše stajnje na serbsku rěč, na serbske fachowe wurazy a wuzběhny přeco zaso wažnosć być přirodze přichileny. Samozrozumliwje je knjez Šoŭta nas tež při druhich skŭladnosćach a projektach podpěraŭ, kaž na přiŭklad we wobŭtku regionalneho UNESCO-campa w měrcu

2019, hdžež běše sakski kultusowy minister z hosćom. W mjenje našeho cyłeho kolegija wuprajimy swójbje naše najwutrobnije sobužarowanje. Spominamy na wjesoteho a jónkrótneho čłowjeka, kotrehož wutroba za přirodu a wosebje za pčotki biješe. Džakujemy so jemu wutrobnje za jeho podpěru a pomocliwosć na dobro našich šulerjow.

- tekst: Milenka Koberowa, wobrazaj: archiw šulskeje nowiny -

Swědkojo čěkańcy - čěkancy w Ralbicach

18. decembra 2024 smědžachmy wosebitych hosći pola nas na Serbskej wyšej šuli w Ralbicach witać. We wobłuku wučby stawiznow a towaršnowědy wotmě so wuměna z čěkancami. K tomu přeprosychmy organizaciju „Swědkojo čěkańcy“ z Drježdźan.



90-mjeńšinska wuměna započa so z hrajnym zazběhom jako kwis. Při tym so předwěda šulerjow k temje: „Čěkanje, migracija a azyl“ wotprašowaše. Krótka prezentacija twori teoretiski zakład dalšeje wuměny. Tu pokazachu so wosebje rozdžěle mjez zapřijećemi „čěkanc“, „migrant“ a „azyl“. Wosebje zajimawe a wobdźiwanja hódne bě na přikład njejenake wobchadženje z čěkancami z Ukrainy a čěkancami zwonka Europy. Třeći džěl wuměny bě wosebje emocionalny. Mohammed, čěkanc ze Syriskeje, powědaše nam wo swojim čěkanju w lěće 2015. Rozprawješe wo swojim ródnyh kraju, tam knježacej byrgarskej wójnje a jeho tuchwilnym přebywanju w Němskej. K zakončenju wuměny móžachu šulerki a šulerjo hosćom hišće swoje přihotowane prašenja stajeć. My, kotřiž smy na kraju žiwi, mamy lědma kontakt k čłowjekam z druhich kulturow a spěšnje sudžimy, bjez toho zo smy sami z tutymi rěčeli. Mjez sobu město wo druhim rěčeć a wěstu empatiju za tutu temu wuwiać - to běchu zaměry tuteje wuměny. Wulki džak słuša organizaciji „Swědkojo čěkańcy Drježdźany“ za wopyt kaž tež wšitkim šulerkam a šulerjam za wotewrjeny a fairny dialog.

- tekst a wobraz: Mathias Kliemank -

Knižna premjera „Šula je wutroba wsy“

Za nas, šulerkow a šulerjow 8. lětnika, wotmě so 19. decembra 2024 wulki wjeršk - knižna premjera našeje swójskeje knižki. Hižo wot spočatka šulskeho lěta přihotowachmy so na tutón dzeń. Hač běše to interviewowanje našich rozmownych partnerow abo wopyt w nakładnistwje, hdžež



smědžachmy sobu rozsudzić, kak ma knižka na kóncu wupadać. Ale tež do přihota programa za premjeru wjele časa a prócy inwestowachmy. Jako bě skónčnje tak daloko, bě napjatosć wulka. Wot 4. šulskeje hodžiny spřihotowachmy sportowu halu: Nastajachmy stólcy a jewiščo, natwarichmy budki za małe adwentne wiki a wšitko hodownje dekorěrowachmy. Sami to wězo zdokonjeli njebychmy. Mějachmy na zbožo wulku pomoc našeho domownika, pilnych staršich a našich wučerjow a wučerkow. We 18 hodź. zahaji so wječor z programom, na kotrymž mjez druhim někotre teksty z knihi předčitachmy. Běchmy jara hordži, jako nam knjeni Žurowa a knjez Cyž z Ludoweho nakładnistwa Domowina swójski eksemplar knižki přepodaštaj. Po programje dachu sej wopytowarjo w dohodownej atmosferje stódnje přikuski zestódžec. Nastachu rozmołwy wo dyrdomdejach šulskeho časa a

wězo wužichu mnozy móžnosć, sej knižku kupić. Jeli sće tež Wy nětko wćipni na našu knižku, móžeće sej ju pola nas w šuli abo w kwětkarni „Kostrjanc“ w Ralbicach kupić.

Džakujemy so wutrobnje wšěm, kotřiž su nam při premjerje pomhali, kaž tež LND, zo su nam swójsku knižku zmóžnili.



- tekst: Patricia Dittrichec, Hańža Handrikec, wobrazaj: 8. lětnik -

Džeń wotewrjenych duri

Wutoru, dnja 14.01.2025 zarjadowaše naša Serbska wyša šula Rabicy, kaž kóždy lěto, džeń wotewrjenych duri. Mnoho džeći ze zakładnych šulow we wokolinje přichwata, zo bychu sej šulu, nowe předmjety a wuwučowacych bliže wobhladali. Nimo toho smědzachu tež něšto praktiske činić. To běše na přikład mikroskopowanje z rjadownju 9/2 abo džežo z ličakami w kompjuterowym kabineće z rjadownju 9/1. Wosebity zajim wubudži 3-D-čiščak, kotryž modelěruje mnohodimensionalne objekty. Tež na twarskich projektach so džeći wobdžeželi a naposledk móžachu sej muffin zestodžeć dać. Wječor běchu durje potom za staršich wotewrjene, kotřiž we wšelako spřihotowanych fachowych kabinetach mnoho informacijow zhonichu. Cytkownje bě wothłós dnja wotewrjenych duri pozitiwny. - tekst: Milan Borška, wobrazaj: 9. lětnik -



Wuhódaj słowa!

Póstnicy wopisuja so tež jako „pjaty ...”. _____

Hdy su póstnicy nimo? (přeńi džeń póstneho časa)

Najwjětši póstniski ćah Němskeje je w kotrym měsće? _____

Kotre pjelnjenje ma pampuch? _____

- prašenja: Jakub Barč, wutušćenje w přichodnym wudaću -



INFORMACIJE – TERMINY – WŠELČIZNY

wot 03. do 07. nalětnika

wot 25. do 27. nalětnika

wot 26. do 28. nalětnika

01. jutrownika

přizjewjenje do 5. lětnika

9/1 a 9/2 - rjadowniska jězba do Weimara

6. lětnik - Olympiada serbskeje řeče we Wodowych Hendrichecach

staršiske řečne hodžiny

zbytne wobrazy a grafiki: www.pixabay.de

Nowe žiwjenje za něhdyši Konjehotec dwór

Bórze fyzioterapija, dalše bydlenja a hybridny wobchod w Ralbicach

Wot spočatka apryla změja Ralbicy hnydom wjacore nowe poskitki. Wo to starataj so Steffen Frencl a jeho mandželska Angelika. Tuchwilu wutwarjatej wonaj něhdyši Konjehotec dwór na Hłownej dróze w njeposrědnym susodstwje wosadnicy „Radlubin“. W přizemju přiwozmjetaj wonaj nowu wotnožku fyzioterapeutiskeje praksy Hagena Melchera z Rakec, kotryž slubja: „W Ralbicach chcu jeniče serbski personal přistajić.“

Bydleni, pensija a wobchod

Frenclec mandželskaj pak mataj hišće dalše plany. „W přnim poschodže nastawatej bydleni, jedne něhdže 60, tamne přibližnje 40 kwadratnych metrow wulke“, praji 45lětny molerski mišter Steffen Frencl. A jeho 44lětna mandželska Angelika doda: „K tomu změjemy tři dowolowe bydlenja po 33 kwadratnych metrach. Kompletny přetwar je namaj Ralbičanski architekt Stanisław Statnik koncipować. Wot spočatka apryla móža sej je zajimcy na wšelakich internetowych portalach kaž booking.com wobhladać a knihować.“

W originalu wobhladać móža sej je wšitcy zajimcy sobotu, 5. apryla. Tón dzeń wočakuja Frenclecy popoždnu w dwěmaj wosadneho fararja Šćěpana Delana, zo by dospotnje wobnowjeny dom poswjećić. Wšitcy zajimcy su přeprašeni, so na tym wobdželić a so po tym w nowych rumnosćach rozhladować.



Wot 2010 Frenlec swójtwo

Něhdyši Konjehotec dwór je Angelika Frenclowa w lěće 2010 kupita, po tym zo běše lěto do toho posledni wobydler Jan Čornak zemrět. Steffen Frencl wužiwa jón wot toho časa jako sydło swojeje molerskeje firmy, kotruž běše 2002 založit. „Wjeselu so, zo móžemy na džěle wšitcy serbować, dokelž su wšitcy jednaće



Angelika Frenclowa

přistajeni Serbja“, wón wuzběhny a doda: „To wšak we wšěch rjemjeslniskich firmach tejele wulkosće tak nimaš.“

Konjehotec a fara

Z poswjećenjom dóstanje dom tež nowe mjeno: Frenlec-Konjehotec dwór. Mandželskimaj je wažne, zo njeměto so stare mjeno pozabyc. Wonaj staj so tež ze stawiznami dwora nadrobnje zaběraťoj. Při tym zwěsćištaj mjez druhim, zo je klóšter Marijina hwězda za wutworjenje Ralbičanskeje wosady 1754 poťojcu Konjehotec kubta kupit. To měješe sobu k hospodarskemu zastaranju wosadneho fararja stužić. Dale jimaj napadny, zo su so swójbne mjena na ležownosći měnjeni, tak zo jewjachu so Bruskecy/Konjehotecy, Krušicy/Rychtarjecy, Konjehotecy/Žurecy a naposled Čornakecy.

Hybridny wobchod

Loni po jutrach staj Steffen Frencl a jeho mandželska dotalne domske, hródz a trawjenk dospotnje přetwarjeć počaťoj. K jutram stejachu w něhdyšej hródzi hišće štyri křižerske konje. „Te móžemy tež lětsa zaso na dwór wzać. Za nje mamy dosć drugeho městna“, horliwy křižer Steffen Frencl hnydom zasuny. Na městnje dotalnej hródze ma wšak kónc tohole abo spočatk noweho lěta hybridny wobchod začahnyć. „To woznamjenja, zo změjemy k wěstym časam předawarku, ale zo budže wón tola sydóm dnjow w tydženju wodno a w nocy wotewrjeny. Hdyž wona tam njeje, móžeš pak jeničce přez awtomat twory kupić a z bankowej kartku zapłaćić“, wujasnja Angelika Frenclowa. Poskićeć chce wona nimo tworow wšědneje potřeby wot regionalnych poskićerjow tež suweněry a wudžětki rjemjeslnikow z wokoliny.



Steffen Frencl

Džakowny wjesnjanosta

Ralbičansko-Róžeńčanski wjesnjanosta Hubertus Ryćer je z Frenlec ideje zahorjeny. „Wjeselu so jara, zo so něhdyši Konjehotec dwór na tele wašnje wožiwi a zo dóstanjemy fyzioterapiju, wobchod, nowej bydleni a pensiju. Nimamy džě w našej gmejnje nimo pjekarjow žane druge zastaranje ze žiwidłami.“ Wón z toho wuchadža, zo budže dwór wulkotnje wutwarjeny. „A hdyž změjemy nimo dweju pensijow w Nowoslicach a Róžeńće w Ralbicach dalšu, potom móžemy tójšto naprašowanjam lěpje wotpowědować“, Hubertus Ryćer doda.

Pacientam napřečo přińć

Hižo nětkole jězdźi wjele pacientow z Ralbic a susodnych wsow do fyzioterapeutiskeju praksow Hagen Melchera w Rakecach abo w Kulowje. „Sym sej prajił, zo by tola derje było, tohodla dalšu wotnožku w Ralbicach wutworić.“ Pytajo za móžnosćemi w Delanach je bórže z Frenclcami zwisk nawjazał. W přizemju dotalneho bydlenkeho domu něhdyšeho Konjehotec dwora zarjadowuje wón něhdže sto kwadratnych metrow wulku praksu. „Tři terapeutki tam zasadźu. Z nich stej dvě nowe sobudžětaćerce. Mi je wažne, zo wone serbsce řečec móža. Wšako sym z wjacorymi Ralbičanami hižo lětdžesatki přećelisce zwjazany a wěm, kak wažne je, zo móža ludžo tež zwonka swójby swoju serbsku maćeršćinu nałožować“, Hagen Melcher rozložuje. A jeho syn Martin doda: „Započnjemy pónđzelu po poswjećenju ze svojim džětom. Zajimcy móža sej wotnětka terminy wujednać, tuchwilu přez praksu w Kulowje.“ Tu docpěja telefonisce pod čisłom (03 57 25) 9 15 32.



Hagen Melcher

Wosma praksa

Hagen Melcher je w aprylu 1998 swoju přenju praksu w ródnych Rakecach založit. Bórže sóehowaštej praksa w Kulowje a dalša we Wojerecach. W zaštych džesać lětach su tež praksy w Běłym Chołmcu, dalše w Rakecach, w Njeswačidle a hakle njedawno druha w Kulowje k tomu přišli. To rěka, zo budže praksa w Ralbicach mjeztym jeho wosma. „Do jeje zarjadowanja sym swojeho syna Martina jara zapřijał. Wšako změje wón raz našu fyzioterapiju po mni dale wjesć“, praji 59lětny. Nimo njeho jako šefa a Martina Melchera (35) jako junioroweho šefa přistuša tutej praksy dohromady 40 sobudžětaćerjow, z nich hižo nětkole někotři



Serbja. „Janina Wjeselina ze Šunowa je jedna z nich, kotraž w Kulowskej praksy džěta. Wona ma wažny podžěl na tym, zo nětkole w Ralbicach nowu praksu wutworjamy“, rjekny Martin Melcher. Jeho nan Hagen pokaza tež na jara dobre zhromadne džěto z Ralbičanskej lékařskej praksu Gerda Jahnyja, za kotrež je jara džakowny. A fyzioterapeutaj z Rakec staj tež Steffenej Frenclaj a jeho mandželskej Angelice džakownaj, zo staj z pomocu architekta Stanisława Statnika hižo za čas přetwara koncept tola hišće změniłoj a zarjadowanju praksy přihtosowatoj.

Rafael Ledźbor

Martin Melcher

Fota: Rafael Ledźbor

Veranstaltungen in der Festscheune übers Jahr

zarjadowanja w swjedźenskej bróžni přez lěto

Buffet zur 1. Heiligen Kommunion und zur Firmung

wobjed jako bifej k 1. Swjatemu woprawjenju a k firmowanju

20.04.2025

Ostersonntag Mittagessen buffet

Jutrońčku wobjed jako bifej

29.05.2025

Christi Himmelfahrt / Männertag im Garten

Bože spěće / dzeń muži

18.10.2025

Oktoberfest in der Festscheune

oktoberski swjedzeń w bróžni

23.11.2025

zur Kirmes Mittagessen buffet

wobjed ke kermuši w Delanach

- Familienfeiern, Hochzeiten
- Firmenfeiern
- Partyservice
- Pension

Mühlweg 10
01920 Naußlitz

- swójbne swjedženje, kwasy
- zawodowe swjedženje, hodownička
- partyjowy serwis
- pensija

Młynski puć 10
01920 Nowoslicy

Mobil: (0172) 3 57 09 08
e-mail: info@zeltverleih-diener.de
www.zeltverleih-diener.de



Lajska dźiwadłowa skupina Šunow-Konjegy

ředstaja Wam
kriminalnu komediju

Překlepani rentnarjo wědźa sej pomhać!

Posledni raz!!!

Sobotu, 08.03.2025

17.00 hodź.

w Nowoslicach*

Njedźelu, 09.03.2025

16.00 hodź.

w Nowoslicach*

Sobotu, 08.03.2025, poskičuje so po předstajenju stódna wječerjeć.

Njedźelu, 09.03.2025, poskičujetej so wot 14.30 hodź. kofej a tykanc.

Skazanki přijimuja so pod 035796/96840 pola Dienerjec w Nowoslicach.

Prosy so wo předskazanje wječerje.

***ze simultanym přeložkom – mit Simultanübersetzung**